









1772, 4  
23  
47  
FACVLTATIS IVRIDICAE  
DECANVS

HIERONYM. FRIDER.  
SCHORCH, ICTVS,

SACRI PALATII CAESAREI COMES, EMINEN-  
TISSIMI AC CELSISSIMI PRINCIPIS ELECTORIS MO-  
GVNTINI CONSILIARIVS REGIMINIS, MEMORATAE  
FACVLTATIS ADSESSOR ET DECRETAL. PROF. P. OR-  
DIN. CIVITATIS ERFORDIENSIS CONSVL PRIMARIVS,  
NEC NON ACADEMIAE ELECTORAL. MOGVNTINAE  
SCIENTIARVM VTILIVM PRAESES

LECTORI BENEVOLO

S. P. D.

*quaedam de adoptionibus*



---

ERFORD, LITT, NONNIAN. ACAD. A TYP.



#7

FACULTATIS IURIDICAE

DECANVS

HIERONIMVS FRIDER.

SCHORCH

IN IURIS PRAESENTIA  
HABITA ET CETERIS  
REBUS QUAE AD  
HANC FACULTATEM  
PERTINENT  
SPECTANT  
ET SIMILIBUS  
REBUS  
SPECTANT

FRIDERICVS BRUNNIO

ex officio de iudicio

*[Handwritten signature]*

FRIDERICVS BRUNNIO







**F**liosfamilias non solum naturam, verum & adoptiones facere, ait *MODESTINVS in l. i. pr. D. de adopt.* Sunt enim adoptiones in eorum, qui liberos naturales non habent, fauorem inuentæ, prout obseruat *THEOPHILVS Paraphr. Institut. l. i. Tit. XI. forte*, inquit, *quispiam cum liberos non haberet, quia vel uxorem non duxisset, vel sterile matrimonium esset expertus, vel liberos, quos habuerat, amisisset, leuare volens aut nature malignitatem, aut infelicitatem fortuna, aliquem in adoptionem accepit.* Hinc apposite *CALVS in Instit. l. i. Tit. 5.* adoptionem dicit esse nature similitudinem, *vt aliquis filium habere possit, quem non genuerit.* Cumque iudice *CICERONE de finib. l. 5. c. 28.* bonum liberi, *miseræ orbis sit,* mirum non est, quod adoptionum vsus apud plurimas gentes, atque etiam apud Germanos inualuerit. *KVLPIVS. de adopt. Principum §. 13. & 24. seqq.* & quamuis apud Romanos peculiare essent rationes, quæ illos ad adoptandum poterant impellere, v. *HEINECC. Syn. Antiquit. Roman. l. i. Tit. XI. §. 1. 2. 3.* quæ in Germania penitus cessant; inde tamen hoc tan-

( 2

tum.





rummodo sequitur, quod non adeo frequentes sint adoptiones apud Germanos, prouti fuerunt apud Romanos, at quod plane inusitatae sint, ex eo inferri haud potest, cum non ciuilibus solum, sed & naturalibus rationibus nitantur, & hinc inter rusticos quoque locum inueniant v. *L. B. de CRAMER, in Observ. Iur. Univ. Obs. 26. & 1235.* Plane veteribus Germanis & Francis illa non insolita fuerunt, docente LEYSERO *in Meditat. ad D. Spec. 20. med. 1.* nec infrequentibus temporibus obsoleuerunt, cumque deinceps ius Romanum in genere tanquam Ius commune, deficientibus consuetudinibus aut domesticis legibus, introduceretur, etiam hac in parte receptum merito praesumitur. LEYSER, *c. l. medit. 2. STRYCK, in usu mod. Pandect. Tit. de adopt. §. 3.* Quamobrem si quis in locum filii aliquem assumerit, & de valore factae adoptionis queratur, ex iure Romano decisio sine dubio petenda est, STRYCK *c. l. §. 4. sq.* id quod tradita, consulta & decisa probatissimorum Ictorum nostrorum luculenter comprobant. Sicuti ergo secundum ius Romanum adoptio in duas abiit species, in arrogationem & adoptionem in specie, quam posteriorem Imperator IUSTINIANVS *in l. pen. C. de adopt.* in plenam & minus plenam, prout vel ab ascendente, vel ab extraneo facta, iterum distinxit: ita quoque in Germania hanc diuisionem attendendam esse monet STRYCK, *de Success. ab intest. Diss. I. c. 2. §. 36. sqq.* Et sicut arrogatio Principis auctoritate, *l. 6. C. de adopt.* adoptio in specie dicta vero Magistratus imperio fieri debebat, *l. 2. pr. D. cod.* ita ob defectum huius requisiti etiam hodie adoptio irrita est. SCHWEDER, *in Collect. nov. Consil. Tubing. Vol. 1. Conf. 127. n. 17. & 18. BESOLD P. 4. Consil. 154. n. 66.* Inprimis autem cauendum, ne quid in adoptione fiat, quod contra naturam sit, utpote quam imitatur, *§. 4. l. de adopt.* & cuius imago dicitur in *l. 23. D. de liber. & posth.* unde minor natu maiorem adoptare non potest, sed is, qui sibi filium per adoptionem vel arrogationem facere vult, plena pubertate, id est, decem & octo annis, precedere

re



re deber. *alleg. §. 4.* Sic a duabus personis diuersis simul & eodem tempore nemo adoptari potest, cum duos patres adoptiuos non magis quam duos patres naturales habere queat, ob quam causam adoptionem quandam merito improbauit COCCI, *in Consil. & Resp. in causis Illustr. Resp. 101. n. 15-21.* Sed & fratrem sibi quisquam per adoptionem facere nequit, quoniam nemo sibi fratrem gignere potest, *l. 7. C. de hered. instit. & ibi GOTHOFRED. in not. TABOR decif. & consult. 158. n. 54.* Vtlerius si de arrogatione vel adoptione a muliere facta quaestio sit, tantum non vnice ad *l. 5. C. de adopt. respici,* & ex ea deduci solet, quod non promiscue omnibus mulieribus, sed solum viduabus, quae liberos pepererunt, & quidem plures, sed rursus amiserunt, Principes hanc facultatem permiserint, *L. B. DE LINCKER. T. I. Conf. 182. n. 13. sqq.* Neque vero priuati solum adoptare sueuerunt, sed etiam non desunt in Imperio nostro exempla adoptionum ab ipsis Imperatoribus & Statibus Imperii susceptarum, quorum post KVLVIS. *de adopt. Principum §. 32. sqq.* longam seriem exhibet STRVVIVS *in Iurisprud. Heroica P. IV. c. 5. sect. 2. p. 445. & multis sqq.* quamuis solennia in legibus Romanis praescripta a Principibus nostris in adoptionibus non tam sollicitè obseruari debeant, de qua re sententias Doctorum Iuris Publici congescit MOSERVS *im Teutschen Staats-Recht T. XXII p. 406. sqq.* At de hoc argumento occasione *l. 1 D. de adopt.* quam in lectione Cursoria explicare constituit, copiosius differet

ILLVSTRIS ET GENEROSVS DOMINVS  
GEORGIVS DE CLEMENS MILLWITZ,

I. V. CANDIDATVS MERITISSIMVS,

qui curriculum vitae suae laudabiliter adhuc transactae verbis sequentibus nobis exhibuit:

) 3

Natus





**N**atus sum Moguntia 12ma Iulii anno 1745. Parentibus ROBERTO BALTHASARO DE CLEMENS MILLWITZ Consiliario Imperiali Aulico Actuali, & Matre MARIA CATHARINA DE HOEGLEIN Generosi ac Consultissimi Domini IOHANNIS VALENTINI DE HOEGLEIN Emin. ac Celsiss. Electoris Moguntini quondam Consilii Regiminis Aulici, & ANNAE ELISABETHAE NATAE DE BENZEL filia. In Lyceum, quod Moguntia sub Moderamine P. P. S. I. floret anno 1756. admissus, Artibus Liberalibus & Philosophia, aliisque ad altiora aspiranti necessariis studiis incubui. Cum autem Pater optimus Anno 1758. a. S. C. M. Imperatore FRANCISCO PRIMO piissima memoria Clementissime & proprio motu ad Consilium Imperiale Aulicum vocatus; & paulo post cum Illustrissimo Domino BURGGRAVIO DE KIRCHBERG Comite in Sahn & Witgenstein S. C. M. Camerario atque Consiliario Imperiali Aulico, Praeside Camerae Imperialis novissime Wezlariae defuncto, ad Commissionem Imperialem rem Moneta-riam concernentem Francofurtum missus fuerit, ea finita anno 1762. oportebat natale solum relinquere, & ad Viennam properare. Philosophiae theoreticae, quoad primam Partem Moguntiae inceptae, finiendae Viennae privatim operam dedi. Practicam vero & Experimentalem ex Doctrina Celebratissimorum Professorum P. P. S. I. FRANZ, WALCHER, & aliorum in Imperialibus Museis aequae amplissimis ac pretiosissimis percepi. Finito Philosophiae Cursu ex speciali gratiosissima concessione S. C. M. Imperatricis MARIAE THERESIAE licuit mihi Collegium Regium Theresianum ibique Collegia Iuridica frequentare. Tradidit mihi in illo privatissime prenobilis ac Consultissimus Dn. CHRISTOPHORVS KRAMER Antecessor Iuris primarius vix non totam Iurisprudentiam, scilicet Ius Naturale, Civile privatum, Canonicum, Criminale aequae ac Publicum. Siscebat autem nondum quoad totum absolutum studii Iuridici Cursum prematura mors optimi & ad Cineres usque venerandi Parentis

quae





que eueniebat Anno 1766. Compositis negotiis Domesticis cum Dilectissima Matre Erfordiam me contuli, ibique flum studiorum interruptum absolvere occasione nactus sum exoptatissimam. Operam igitur nauavi partim in repetendis Doctrinis jam antea haustis, illisque magis excolendis. Ducem & Moderatorem in hac re inueni Virum Magnificum, Prænobilem & Con-sultissimum Dn. ADAMVM MIGNATIVM TVRIN, Iuris Na-turae, gentium & Publici, nec non Historiarum & Philosophie Præctice Pro-fessorem Publicum Ordinarium, Bibliotheca Boineburgica Directorem & p. t. Rectorem Magnificum, cuius in me collocata Benevolentia grata semper deueneranda est mente. Ad ultteriores progressus faciendos auctor mihi vni-cus fuit. Tradidit ille partim in priuatis partim priuatissimis Lectionibus Doctrinam Pandectarum, Ius Naturale, Publicum Canonicum & Imperii Hi-storiam, tandem Vniuersam Iurisprudentiam ex Systemate Nettelbladtiano tam Naturali, quam Postiuo vna cum Collegio Præctico. Hocce denique Anno in Numerum Sodalium Instituti Regii Disciplinarum Historicarum, quod Gættingæ foret receptus sum. Quibus laboribus exantlatis votum superest ut Eminentissimo ac Celsissimo Principi Electori Domino Longe Clementissimo & Reipublicæ Patriæ tandem humillimis seruitiis me conse-crare possim.

Itaque auctoritate & suasu Fautorum atque amicorum Su-premos in Vtroque Iure honores capeffere in animum induxit; & ab Ordine nostro, vt sibi ad specimina Inauguralia aditus panderetur, modeste petiit. Cui laudabili desiderio postquam Ordo noster annuit, binos ipsi ex Iure Ciuili & Canonico tex-tus enodandos transmisiit, diemque Examine, quod vocant, Ri-goroso præstituit, in quo ad questiones propositas adeo prom-pte & erudite respondiit, vt vnanimi suffragio dignissimus iudi-catus






catus fuerit, qui petitis honoribus, industriae suae & doctrinae  
 praemio, condecoretur. Quamobrem proximo die Veneris d.  
 5. Jun. a. c. Lectionem Curforiam ad *l. i. D. de adopt.* eaque  
 finita Dissertationem Inauguralem

THESES EX VNIVERSO IVRE  
 SISTENTEM

habebit. Quibus actibus vt Magnificus Vniuersitatis Rector,  
 Per-Illustres Barones, nec non Academiae Proceres ac Ciues be-  
 neuole iureresse velint, ea, qua decet, obseruantia & humani-  
 tate rogantur atque inuitantur. Publ. sub Sigillo Facult. Iu-  
 rid, d, XXXI, Mai, A. O. R. MDCCLXXII.





Erfurt, Diss., 1770-73



f  
Sb.

1018









1772, 4  
FACULTATIS IVRIDICAE

DECANVS

HIERONYM. FRIDER.

SCHORCH, ICTVS,

SACRI PALATII CAESAREI COMES, EMINENTISSIMI AC CELSISSIMI PRINCIPIS ELECTORIS MONTANI CONSILIARIUS REGIMINIS, MEMORATAE FACULTATIS ADSESSOR ET DECRETAL. PROF. P. ORDIN. CIVITATIS ERFORDIENSIS

NEC NON ACADEMIAE ELECTORIS

SCIENTIARVM UTILIUM

LECTORI BENEDICTO

S. P. D.

*quaedam de ad*



ERFORD, LITT, NONNIA

